



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat de Legibus, de Præceptis
Decalogi, de Restitutione, ac de Contractibus

Viva, Domenico

Patavii, 1723

Art. IV. De impedimentis non apponendis legi adimplendæ.

urn:nbn:de:hbz:466:1-40673

disp. 22. sect. 1. contra Avil., & Con.
docent, quod habens privilegium au-
diendi missam tempore interdicti, te-
neatur eo uti die festo ad implendum
præceptum Ecclesiæ; sublato enim im-
pedimento ex prohibitione interdicti,
urget obligatio juris communis, ut
notat Dian. part. 4. tract. 4. resol. 5.

ARTICULUS IV.

De Impedimentis non apponendis legi
adimplendæ.

- I. *Præcepta naturalia obligant ad po-
nenda media ad eorum execu-
tionem, & ad removenda impedi-
menta.*
- II. *Non tamen omnia præcepta positiva
ad id obligant.*
- III. *Num possit quis in pilæ lndo, vel
in venatione die jejunii defatigari,
prævidens, quod non possit jeju-
nare.*
- IV. *Num id ipsum fieri possit in frau-
dem jejunii ad declinandam ejus
obligationem; eo modo, quo potest
quis egredi e loco, ubi obligat præ-
ceptum jejunii, ne teneatur jeju-
nare?*
- V. *Qui solum prævidet, quod in lusse
pilæ defatigatus non possit deinde
jejunare, ludendo dicitur apponere
jejunio impedimentum remotum,
& non peccat; Qui vero id inten-
dit, ludendo dicitur apponere im-
pedimentum proximum, & peccat
contra legem jejunii.*
- VI. *Unde dignosci possit, num impedi-
mentum, quod apponitur observan-
tie legis, sit proximum, & eatenus
peccaminosum, non vero remotum?*
- VII. *Varie regulæ, que a Doctribus
addicuntur, multis exemplis subji-
ciuntur, ut in bono lumine repon-
natur.*
- VIII. *Cur excommunicatus teneatur ab-
solutionem procurare, ut possit in*

*Paschate communicare, non vero
ut possit die festo audire Sacrum?
IX. Num liceat die Sabbati ire vena-
tum, si prævideatur, quod die Do-
minico non possit Sacrum audiri?
X. Num peccant barbitonsores, si ton-
deant die festo? Quid de puellis,
qua die festo suunt ad vitandum
otium?*

I. **C**ertum est apud Doctores, ut
notat Pal. punct. 21., quod
præcepta naturalia per se obligent ad
ponenda omnia media ad illorum e-
xecutionem necessaria, & ad tollenda
omnia impedimenta obstantia: Ver-
bi gratia, administrans Officium Con-
fessarii, Judicis, Advocati tenetur ad-
discere, quæ necessaria sunt ad illius
rectam executionem, & impedimenta
removere: Sic qui tenetur lege char-
itatis succurrere indigenti eleemosyna
corporali, vel spirituali, vel correctio-
ne fraterna, ad idem tenetur. Et ra-
tio est, quia hæc obligatio nascitur
ex ipsa natura rei, quæ dum absolu-
te præscribit finem, præscribere eti-
am debet media ad finem necessaria;
Quare nisi justa causa excusat, præce-
ptum ad hæc omnia ponenda, vel re-
movenda obligat.

II. Contra vero non omnia præ-
cepta positiva obligant ad ponenda
omnia media, & removenda omnia
impedimenta; quia non obligant cum
tanto gravamine, sicut præcepta na-
turalia: Et ratio a priori est, quia
obligatio præceptorum positivorum
non est indita a natura, & necessa-
ria, sed libera Legislatori, qui ex sua
benignitate non censetur cum magno
incommmodo obligare: Verbi gratia,
excommunicatus ex vi præcepti audi-
endi missam non obligatur ad procu-
randam absolutionem; (quamvis ad id
obligetur ex vi præcepti communican-
di in Paschate, eo quod præceptum
hoc secundum substantiam sit Divi-
num.)

num, ut communiter Doctores docent.) Similiter Artifex dives non obligatur ex lege jejunii ad non laborandum, ut possit jejunare; quamvis qui non est artifex, non possit laborare, si labor impedit jejuniū, ut communius docent; Et iuxta communiorē etiam opinionem non tenetur homo peregrinationem differre, aut flagellationem, aut alia pia opera, ut notat Pal. punct. 22., ad hoc ut possit jejunare. Difficile autem est assignare regulam generalem omnibus præceptis. Immo, ut notat Merol. cap. 3. dub. 37., nec quæstio ista reperiatur generaliter discussa a Doctoribus, sed specialiter in quibusdam præceptis, puta in præcepto jejunii, auditionis missæ, & similibus, in quibus varie opinati sunt.

III. Et sane Medin., Joan. Sanch., Dian. part. 1. tract. 8. de Jejunio resol. 52. putant, non peccare contra legem jejunii, qui defatigatur eo die in pilæ ludo, vel in venatione prævidens, quod non possit jejunare. Addit Henr., Ledesm., Bonac., Filliuc., Sanch. lib. 1. cap. 15. in fine contra Sylvest. Homob., D. Th. 2. 2. quæst. 79. cap. 3., Azor., nec peccare mortaliter contra præceptum missæ, jejunii, vel Divini officii, qui aut nimium, aut nocivum cibum edit, prævidens, quod non possit ob mortuum ea præcepta implere; quia putant comeditionem talis cibi esse impedimentum remotum, & per accidens esse causam omissionis.

IV. Addit etiam Joan. Sancius, & Suar. de Religion. tom. 1. lib. 2. cap. 13. num. 6. loquens de observatione festorum, id verum esse, etiam si eafiant ad declinandam obligationem jejunii; quia hæc non esset fraus, sed esset fuga a jejunio; sicut si quis discederet a loco, ubi urget præceptum jejunii, ne jejunet. At communiter cum Henr., Sanch., Azor., Pal.,

Bonac. docent, hanc esse veram fraudem, quæ nemini patrocinari debet; Et esse magnam disparitatem inter huic, qui ludit pilæ, vel ambulat quærendo concubinam, ut defatigetur, & excusat a jejunio, ac eum, qui discedit a loco, ubi jejunatur, ne obligetur a jejunio. Nam in primo casu apponitur impedimentum proximum executioni præcepti, & sic violatur præceptum; in secundo casu homo eximitur ab obligatione præcepti, & sic non violatur præceptum; Sicut nec illud violat, qui petit dispensationem a Superiori, ne jejunet.

V. Dixi, quod ponatur impedimentum proximum jejunio, si ludatur pilæ in fraudem jejunii. Nam quamvis esset impedimentum remotum lusus pilæ factus ab eo, qui prævidet se non posse deinde jejunare, & hoc impedimentum remotum non esset ex obligatione jejunii removendum; at lusus pilæ factus cum intentione, ut declinet obligatio jejunandi, censetur communiter esse impedimentum proximum, quod debet ex præcepto jejunii tolli: Sic ex præcepto castitatis nemo tenetur abstinere a comedione calidorum, si prævideat ex iis futuram pollutionem; at ex præcepto castitatis tenemur non comedere calida eo animo, ut pollutione sequatur: Ratio est, quia, si id fiat cum tali intentione, censetur ponи causa proxima pollutioni; Si vero fiat cum sola prævisione pollutionis, censetur illi ponи causa remota: Eodem modo Lug. docet, non peccari contra justitiam ab eo, qui ponit cadaver occisi ante januam alterius, prævidens, quod homicidium sit illi imputandum, aut si derivetur lumen ab agro vicini curia prævisione damni illius; secus, si id fiat cum ea intentione; quia si fiat cum tali intentione, eo ipso ponitur causa proxima, non remota damni proximi.

VI.

VI. Itaque, cum non possit assignari regula generalis in omnibus materiis, bene notant Sanch. lib. 1. cap. 10., Merol. loc. cit., & Pal. punct. 21. Bonac. disp. 2. quæst. 8. punct. 2., Primo, alia præcepta rigidius, alia benignius obligare; quod ex materia præcepta, & ex sensu fidelium, & Doctorum dignoscendum est: Verbi gratia, rigidius obligat præceptum Confessionis, & Communiois, quam missæ; rigidius præceptum missæ, quam jejunii. Secundo, alia impedimenta esse proxima, alia remota; nam projectio Breviarii, verbi gratia, est impedimentum proximum ad recitationem horarum; at comedio cibi nocivi impedientis recitationem horarum dicitur impedimentum remotum; Sic qui ipso die jejunii arripit iter voluntarium, & non necessarium incompossibile cum jejunio, ponit impedimentum proximum; qui vero arripit idem iter pridie jejunii, vel pluribus diebus ante diem jejunii prosequendum in ipso jejunii die, ponit impedimentum remotum. Tertio necessitatem ponendi impedimentum, aliam esse gravem, verbi gratia, ne subeat grave damnum; aliam esse leuem; ne scilicet subeat leve damnum. His omnibus perpensis, judicandum in quilibet materia, num præceptum obliget ad tollenda impedimenta etiam remota, an solum proxima ad ejus executionem; Quod apertius fiet discurrendo per materias apud Doctores controversas.

VII. Primo enim ex Suan., Avil., Lug. contra Henr. lib. 13. cap. 7. apud Tambur. in Methodo Commun. cap. 4. §. 4. num. 37. excommunicatus tenetur procurare absolutionem ab excommunicatione, ut possit in Paschate communicare; (sicut etiam Cappellanus, ut possit celebrare, quando non potest per alium satisfacere sua obligationi, ex Tambur. lib.

Pars I.

6. de Sacrif. ca. 6. §. 2.) Contra vero detenus in carcere non tenetur procurare excarcerationem, nec infirmus procurare sanitatem, ut possit eo tempore communicare; nec Cappellanus, ut possit celebrare. Disparitas, quæ assignatur a Doctoribus, est, quia Communio, & Sacrificium ordinantur ad salutem animæ, & ideo obligant ad removenda mala spiritualia, quæ directe impletioni præcepti, & ejus fini opponuntur, ut est excommunicationis, quæ opponitur Communio, & Sacrificio: Contra vero non adeo rigide obligant ad removenda etiam mala temporalia, ut sunt incarceratio, & infirmitas, quæ indirecte, & per accidens impediunt impletionem præcepti: Quod constat a posteriori, quia homines timoratæ conscientiae non sunt nultum solliciti de procuranda excarceratione, & valitudine ad hunc finem; Quamvis peccarent, si ad hunc finem vellent esse negligentes in procuranda absolutione, ne scilicet teneantur communicare, aut Cappellanus celebrare; Et peccarent etiam, si facile possent obtinere ab amico excarcerationem, & illam respuerent.

Secundo, ex eodem Tambur. loc. cit. de Sacrif. peccat Cappellanus, si ponat impedimentum proximum ad missæ celebrationem, verbi gratia projiciendo missale, seu se inebriendo, aut eo discedendo, ubi non possit celebrare: Contra vero si cibum nocivum comedat, unde non possit celebrare, peccabit solum contra temperantiam, dummodo non eo fine comedat, ne teneatur celebrare; Et idem dicas ex Sanch., si quis edat similes cibos prævidens, quod non possit deinde audire missam, recitare horas, jejunare, &c.; quia haec præcepta solos sanos obligant, & non ita rigide, ut obligent etiam ad conservandam salutem ad ea

O. jn:

implenda necessariam.

VIII. Tertio ex Azor., Dicast., Fagund., Tambur. loc. cit., Excommunicatus tenetur procurare absolutionem ab excommunicatione, ut possit in Paschate communicare, non vero ut possit die festo audire Sacrum. Disparitas est, quia rigidius obligat præceptum communionis, quod est secundum substantiam Divinum, & majoris momenti: Quamvis etiam peccaret, qui negligeret procurare absolutionem ad hunc finem, ne teneatur audire Sacrum.

Quarto ex Pal., Sanch., Tambur. lib. 4. Dec. cap. 2. §. 2. potest aliquis tempore valde remoto a die festo, vel a die jejunii arripere iter, vel implicare se in aliquo gravi negotio, unde non possit audire Sacrum, aut jejunare, idque ex Tambur. contra Merol., etiamsi eo fine faciat, ne ad hæc teneatur; Et ratio est, quia tunc præceptum non obligat, nec est in proximo, ut obliget, nec adeo rigide hæc præcepta obligant, ut teneamus tollere ista adeo remota impedimenta ad eorum impletionem: Contra vero non potest aliquis ponere hujusmodi impedimenta eodem die festo, aut eodem die jejunii; Nec potest ea ponere tempore proximo, quod moraliter ad eundem diem videtur pertinere, verbi gratia paucis horis ante medium noctem Sabbati, si prævideat, quod non possit die festo audire Sacrum; Hæc enim essent impedimenta proxima, ad quæ removenda præceptum obligat.

IX. Utrum autem dicatur impedimentum proximum, an remotum, arripere hujusmodi iter, vel ire venatum die Sabbati mane, si prævideatur, quod die Dominico non possit audiri Sacrum? Dubium est: Tambur. loc. cit. probabiliter putat esse impedimentum remotum, nec peccare, qui illud tunc apponit; quia non

videtur tale præceptum adeo rigide obligare; quod a fortiori dicendum, si quis eat venatum, aut assumat iter voluntarium pridie jejunii, prævidens, quod non possit die sequenti jejunare (dummmodo id non fiat in fraudem jejunii, seu ex intentione, quod non obligetur ad jejunandum, ut communiter docent contra Joan. Sanch. disp. 54. num. 20. apud Pal. loc. cit.) Ratio est, quia minus rigide obligat præceptum jejunii, quam præceptum audiendi missam: Nam Trull., Medin. & Ledesm. excusant eum, qui semel, aut iterum assumit ipso die jejunii, verbi gratia, pilæ ludum, aut venationem, prævidens, quod non possit jejunare; Nemo tamen permitit, quod possint ea impedimenta apponi ipso die festo, si prævideatur, quod non possit audiri Sacrum; quod est signum, rigidius obligare præceptum missæ, quam jejunii.

Quinto, docent communiter cum Sanch. loc. cit., quod æditius debeat pridie festi templum verrere, tapetibus templo, & altaria ornare, hostias confidere, &c., ne ipso die festi laboret; (quamvis Bonac. disp. 5. punct. 3. num. 6. ex Suar. contra Con. apud Dian. part. 3. tract. 5. resol. 8. putet, id non esse mortale, cum sine scrupulo peccati mortalis soleat exerceri) Contra vero possint ipso die festi pulsari Campanæ, & Organa; quia hæc sunt conjuncta (non præparatoria, ut illa) ad cultum Dei. Ratione autem necessitatis, quando non potuit præveniri, possunt die festo non solum ornari templo, sed etiam a sartoribus confici vestes, aut alia pro funere; Immo etiam ex Laym. apud Dian. part. 4. tract. 4. resol. 62. excusantur ratione necessitatis sartores, si post medium noctem, quæ præcedit festum, cogantur laborare, ut vestes promissas perficiant.

X. Ipsi etiam barbitonfores excusantur

tur a Cajet., Fern., Homob. apud eundem Dian. ratione magni lucri, quo carerent, si diebus festis non tondenter; quia homines aliis diebus propter occupationes non tondentur. Quod tamen improbat merito Suar.; Unde tantum ratione consuetudinis tolerata, ubi ea est, excusari possunt, ut notat Tambur., & Dian. part. 2. tract. 15. resol. 34.: Sicut excusantur ratione pietatis puellæ, quæ die festo suunt, vel aliud simile faciunt ad otium vitandum, & ne se ad fenestras conspiciendas exhibeant, ex Sà, Homob. contra Comitol.

Sexto, si fecisti votum conditionale, verbi gratia, Jejunabo, si consentiat Confessarius, non potes licite apponere impedimentum malis artibus, seu per vim, & fraudem, conditioni

non pendenti a voluntate tua, verbi gratia inducendo Confessarium malis artibus, ut non consentiat; quia sic conditio non penderet a voluntate Confessarii, sed tua, contra id, quod vovisti; poteris tamen bonis artibus, hoc est rogando, inducere illum, ut non consentiat. Ita Suar., & Laym. contra Sanch. apud Tambur. lib. 3. cap. 12. §. 6. num. 6.

Ex quibus omnibus patet, quomodo intelligendum sit illud axioma, *Qui tenetur ad finem, tenetur etiam ad media*; intelligendum enim est de mediis commodis, & proximis, nisi gravitas præcepti, vel materiae præceptæ suadeat etiam adhibere media difficultia, & tollere impedimenta etiam remota.

Q U A E S T I O VI.

De Legis Interpretatione, Extensione, Abrogatione, & Cessatione.

PLurima scitu digna continet hæc quæstio; Primo enim discutiemus, Quomodo lex explicanda sit? Secundo, quando lex extendi, quando contrahi debeat? Tertio, quomodo lex abrogetur, ita ut amplius non obliget? Quarto, Quænam excusat a legis obligatione, seu quomodo cœset legis obligatio? Num excusat vis, & metus? Num ignorantia, seu inadvertentia, & similia? Quinto inquiremus, num cessante fine legis negative, cœset obligatio legis? Demum nonnulla dicemus de cessatione finis legis contrarie.

ARTICULUS I.

De Legis interpretatione, & extensione.

I. Verborum proprietas, alia est Naturalis, alia Civilis. Quando verba legis extendi debent, sumuntur etiam secundum proprietatem civilem.

II. Doctores interpretari possunt leges

ampliando illas interpretatione solum doctrinali, non auctorativa. Quid de declarationibus Cardinalem?

III. Prater interpretationem legis Authenticam, & Doctrinalem datur etiam Usualis.

IV. Undenam mens Legislatoris conjici potest, ut detur legi apta interpretatio?

V. Varia regula assignantur a Doctoribus ad rite leges interpretandas.

O 2 VI.